

0.0.1 uddakasuttaṃ

1. uddako¹ sudamṃ bhikkhave rāmaputto evaṃ vācamṃ bhāsati.

idaṃ jātu vedagu,
idaṃ jātu sabbajī²;
idaṃ jātu apalikhataṃ,
gaṇḍamūlaṃ palikhaṇi'nti.

2. taṃ kho panetaṃ bhikkhave uddako rāmaputto
avedagūyeva samāno vedagū'smīti bhāsati, asabbajī-
yeva samāno sabbajī'smīti bhāsati, apalikhataṃ³ yeva
gaṇḍamūlaṃ palikhatamyeva gaṇḍamūla'nti bhāsati.

3. idha kho taṃ bhikkhave bhikkhu sammāvadamaṇo
vadeyya.

idaṃ jātu vedagu,
idaṃ jātu sabbajī;
idaṃ jātu apalikhataṃ,
gaṇḍamūlaṃ palikhaṇi'nti.

4. kathaṇca bhikkhave bhikkhu vedagu hoti? yato
kho bhikkhave bhikkhu channaṃ phassāyatanānaṃ

¹udako - machasaṃ, syā.

pts page 083

²pabbaji - syā.

³apalikhātaṃ - sī 2.

samudayañca atthagamañca assādañca ādīnavañca nis-saraṇaṇca yathābhūtaṃ pajānāti, evaṃ kho bhikkhave bhikkhu vedagu hoti.

5. kathañca bhikkhave bhikkhu sabbajī hoti? yato kho bhikkhave bhikkhu channaṃ phassāyatanānaṃ samudayañca atthagamañca assādañca ādīnavañca nis-saraṇaṇca yathābhūtaṃ viditvā anupādāya vimutto hoti. evaṃ kho bhikkhave bhikkhu sabbajī hoti.

6. kathañca bhikkhave bhikkhu no apalikhatam gaṇḍamūlaṃ palikhatam hoti? gaṇḍo'ti kho bhikkhave imassetam cātummahābhutikassa kāyassa adhivacanaṃ mātāpettikasambhavassa odanakummāsūpacayassa aniccucchādana parimaddana bhedana viddhamṣana-dhammassa. gaṇḍamūla'nti kho bhikkhave taṇhāyetaṃ adhivacanaṃ. yato kho bhikkhave, bhikkhuno taṇhā pahīnā hoti⁴ ucchinnamūlā tālāvatthukatā ana-bhāvakatā āyatim anuppādadhammā. evaṃ kho bhikkhave bhikkhuno apalikhatam gaṇḍamūlaṃ palikhatam hoti.

7. uddako sudaṃ bhikkhave, rāmaputto evaṃ vācaṃ bhāsati;

idaṃ jātu vedagu,

bjt page 178

⁴honti - machasaṃ.

pts page 084

idaṃ jātu sabbajī;
 idaṃ jātu apalikhataṃ,
 gaṇḍamūlaṃ palikhaṇi'nti.

8. taṃ kho panetaṃ bhikkhave, uddako rāmaputto
 avedagūyeva samāno vedagū'smīti bhāsatī. asabbaji-
 yeva samāno sabbajī'smīti bhāsatī. apalikhataṃyeva
 gaṇḍamūlaṃ palikhataṃyeva gaṇḍamūla'nti bhāsatī.

9. idha kho taṃ bhikkhave, bhikkhu sammāvadamaṇo
 vadeyya:

idaṃ jātu vedagu,
 idaṃ jātu sabbajī;
 idaṃ jātu apalikhataṃ,
 gaṇḍamūlaṃ palikhaṇi'nti.